

Na osnovu čl. 48., 78. - 86. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), prethodne saglasnosti Ministarstva za obrazovanje, nauku i mlade Kantona Sarajevo za raspisivanje Konkursa broj: 11/05-34-14808-1/20 od 04. 06. 2020. godine i Odluke Vlade Kantona Sarajevo o broju i strukturi studenata koji se mogu upisati na prvu godinu specijalističkog studija na Univerzitetu u Sarajevu u studijskoj 2020./2021. godini, Univerzitet u Sarajevu o b j a v l j u j e

K O N K U R S

ZA UPIS STUDENATA U PRVU GODINU SPECIJALISTIČKOG STUDIJA NA UNIVERZITET U SARAJEVU U STUDIJSKOJ 2020./2021. GODINI

Konkurs se raspisuje za upis u prvu godinu specijalističkog studija u studijskoj 2020. /2021. godini, koji se organizira na fakultetima/akademijama/centrima/institutima Univerziteta u Sarajevu.

Terminološko korištenje muškog ili ženskog roda u ovom Konkursu podrazumijeva uključivanje oba roda.

Prijava kandidata na Konkurs za upis u prvu godinu specijalističkog studija provodi se isključivo online putem informacionog sistema eUNSA www.upis.unsa.ba

U JEDNOM PRIJAVNOM ROKU:

- od 31.08 do 07. 10. 2020. godine za fakultete/akademije/centre/institute gdje nije predviđeno polaganje prijemnog ispita
- od 31.08 do 04. 10. 2020. godine za fakultete/akademije/centre/institute gdje je predviđeno polaganje prijemnog ispita

Na fakultetima/akademijama/centrima/institutima gdje su predviđeni prijemni ispiti, isti će se održati u periodu:

- od 05. 10. - 07.10. 2020. godine

Preliminarna rang lista kandidata koji ispunjavaju uslov za upis na fakultete/akademije/centre/institute Univerziteta u Sarajevu bit će objavljena 09. 10. 2020. godine

U vrijeme trajanja prijavnog roka kandidati će imati mogućnost izbora do 3 fakulteta/akademiju/centra/instituta na koje se žele upisati.

Na web stranicama Univerziteta i informacionog sistema eUNSA nalazit će se sve informacije i detaljna uputstva o postupku registracije na Informacioni sistem eUNSA te načinu i rokovima za upload dokumenata za online prijavu na Konkurs.

Visina participacije cijena usluga i školarina Univerziteta u Sarajevu, te fakulteta i akademija u njegovom sastavu utvrđena je Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu („Službene novine Kantona Sarajevo“, broj: 19/09, 31/12, 36/12, 4/15, 15/15, 16/18 i 21/18).

Studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja oslobođeni su plaćanja troškova upisnine i školarine.

OPĆE ODREDBE

I

U prvu godinu specijalističkog studija u studijskoj 2020. /2021. godini kandidati se upisuju u skladu sa Planom upisa studenata koji je sastavni dio ovog Konkursa.

II

Pravo učešća na Konkursu pod jednakim uvjetima imaju:

- državljani Bosne i Hercegovine i strani državljani sa završenim odgovarajućim ciklusom studija u Bosni i Hercegovini koji se vrednuje sa najmanje 300 (E)CTS studijskih bodova;
- kandidati koji su završili studij po predbolonjskim nastavnim planovima i programima u Bosni i Hercegovini, kao i
- kandidati koji su studij odnosno predbolonjski studij završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja.

III

Kandidat koji je ispunio uvjete ima pravo upisa i na programe iz drugih oblasti koje se razlikuju od oblasti studijskog programa koji je završio, a koji se vrednuje sa najmanje 300 ECTS bodova pod uvjetima koje utvrdi Vijeće fakulteta/akademije/centra/instituta.

Kandidati koji su studij završili izvan Bosne i Hercegovine imaju pravo učešća na Konkursu i prije izvršenog priznavanja odnosno ekvivalencije diplome o završenom studiju u inozemstvu.

Ukoliko ovi kandidati prilikom predaje dokumentacije za upis nemaju priznatu diplomu, fakultet/akademija/centar/institut je dužan zaprimiti ostalu dokumentaciju i uključiti kandidata u postupak za upis prema odredbama člana 85. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), u kojem se navodi da se kandidat koji ispunjava uvjete Konkursa, a nalazi se na rang-listi kandidata koji su položili prijemni ispit u okviru odobrene kvote studenata za upis na taj fakultet/akademiju/centar/institut, može se uvjetno upisati u prvu studijsku godinu prije izvršenog priznavanja odnosno ekvivalencije diplome, uz prezentiranje potvrde da je postupak priznavanja odnosno ekvivalencije po njegovom zahtjevu u toku i da kašnjenje u

donošenju odgovarajućeg rješenja nije rezultat njegovog propusta koji mu se može staviti na teret.

IV

Izbor kandidata vršit će se na osnovu *Odluke o kriterijima i mjerilima za utvrđivanje redoslijeda prijema kandidata za upis studenata u prvu godinu specijalističkog studija na Univerzitetu u Sarajevu*, koja je sastavni dio ovog Konkursa, kao i pojedinačnih kriterija utvrđenih za vrednovanje ocjena iz predmeta relevantnih za odgovarajući studijski program i vrednovanja rezultata prijemnih ispita ukoliko su predviđeni.

V

Verifikaciju online zaprimljenih dokumenata, prijem i upis studenata u prvu godinu studija provodi posebna Komisija za prijem i upis studenata (u daljem tekstu Komisija) koju imenuje Vijeće fakulteta/akademije/centra/instituta.

VI

Fakulteti/akademije/centri/instituti na kojima je predviđen prijemni ispit će na svojim oglasnim pločama/web stranicama objaviti raspored, sadržaj i način polaganja prijemnog ispita, kao i termine objave rezultata prijemnog ispita za svaki prijavni rok.

Termini održavanja prijemnog ispita bit će vidljivi putem informacionog sistema eUNSA.

Prijemni ispit koji se vrši testom ili drugom pisanom formom mora biti u ovjerenom duplikatu, od čega jedna kopija ostaje fakultetu/akademiji/centru/institutu, a druga kandidatu.

Na fakultetu/akademiji/centru/institutu gdje se prijemni ispit polaže usmeno ili putem e-platforme (u vidu online usmene prezentacije/provjere znanja) kao i kvalifikacione provjere znanja na akademijama, moraju imati obezbjeđen tonski/serverski zapis.

Svaki kandidat koji putem informacionog sistema eUNSA izvrši prijavu za upis na fakultet/akademiju/centar/institut na kojem se polaže prijemni ispit obavezan je polagati prijemni ispit; u protivnom njegova prijava neće biti razmatrana.

Komisije fakulteta/akademija/centara/instituta na kojima se polažu prijemni ispiti, bodove i rezultate prijemnog ispita unose putem informacionog sistema eUNSA najkasnije dva dana od dana završetka prijemnog ispita.

VII

Preliminarna rang-lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici fakulteta/akademije/centra/instituta (pod šifrom koju su kandidati dobili prilikom registracije) nakon što je verificira Komisija, najkasnije dva dana od dana polaganja prijemnog ispita, a za fakultete/akademije/centre/institute na kojima se prijemni ispit ne polaže – najkasnije dva dana nakon isteka roka za podnošenje prijave na odgovarajući prijavni rok konkursa.

Na preliminarnu rang-listu kandidati imaju pravo prigovora u roku od tri dana od dana objave iste, o kojoj je vijeće fakulteta/akademije/centra/instituta obavezno donijeti odluku u roku od tri dana.

Odluka vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru.

Konačna rang-lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici fakulteta/akademije/centra/instituta.

VIII

U roku od sedam dana od dana objave konačne rang-liste, kandidat koji je ostvario pravo na upis je obavezan dostaviti originale upludovanih dokumenata fakultetu/akademiji/centru/institutu i izvršiti upis; u suprotnom smatra se da je odustao od upisa na studijski program za koji je aplicirao, a pravo upisa stiće sljedeći kandidat sa konačne rang-liste koji je ispunio uvjete za upis do popunjavanja odobrene kvote.

Nakon isteka roka od sedam dana od objave, fakultet/akademija/centar/institut putem informacionog sistema eUNSA kao i na oglasnoj ploči/web stranici fakulteta/akademije/centra/instituta objavljuje revidiranu konačnu rang listu kandidata, a pravo upisa u narednih pet dana stiču sljedeći kandidati sa revidirane konačne rang-liste koji su ispunili uvjete za upis.

X

Univerzitet i fakulteti/akademije/centri/instituti obavezni su da prije upisa studenata u studijsku godinu na javan i transparentan način, objavom na svojoj web stranici/oglasnoj ploči, upoznaju sve studente sa pravilima studiranja, nastavnim planom i programom, te akademskom titulom i stručnim zvanjem koje se stječe nakon završetka studija.

DOKUMENTACIJA POTREBNA ZA ONLINE PRIJAVU NA KONKURS

Prijave na Konkurs za upis u prvu godinu specijalističkog studija vrše se isključivo online, putem informacionog sistema eUNSA.

Kandidati koji su završili odgovarajući studij na Univerzitetu u Sarajevu, a koji se vrednuje sa najmanje 300 (E)CTS studijskih bodova, prilikom registracije povezuju svoju prijavu sa podacima u eUNSA (ISSS) sistemu

Kandidati koji su prethodno školovanje završili na drugom Univerzitetu dužni su skenirati i uploadovati sljedeće originalne dokumente:

- **diplomu i dodatak diplomi (za studente koji su završili bolonjski studij) o prethodno završenom studiju u Bosni i Hercegovini odnosno priznata diploma za kandidate koji prethodni studij nisu završili u Bosni i Hercegovini (Napomena:**

- studenti koji su završili prvi ciklus studija u BiH mogu do izdavanja diplome i dodatka diplomi priložiti uvjerenje o završenom studiju ukoliko se promocija i dodjela diploma vrši nakon završetka roka predviđenog za dostavljanje prijave za upis po ovom konkursu. Studenti koji su prethodno visokoškolsko obrazovanje stekli izvan BiH a čiji su dokumenti u postupku priznavanja mogu predati potvrdu kao dokaz da je priznavanje u toku),
- izvod iz matične knjige rođenih,
 - uvjerenje o državljanstvu i
 - dokumente relevantne za utvrđivanje broja bodova po kriterijima, kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja.

U toku jednog prijavnog roka kandidatima će biti omogućeno tri puta mijenjati studijski program.

Prijave podnesene putem informacionog sistema eUNSA poslije roka utvrđenog Konkursom kao i nepotpune prijave, neće se uzimati u razmatranje.

O D L U K A

O KRITERIJIMA I MJERILIMA ZA UTVRĐIVANJE REDOSLIJEDA PRIJEMA KANDIDATA ZA UPIS U PRVU GODINU *SPECIJALISTIČKOG STUDIJA* NA UNIVERZITETU U SARAJEVU U STUDIJSKOJ 2020./2021. GODINI

Član 1.

Ovom odlukom utvrđuju se zajednički kriteriji i mjerila za bodovanje i upis kandidata u prvu godinu specijalističkog studija na fakultete/akademije/centre/institute Univerziteta u Sarajevu u studijskoj 2020./2021. godini.

Terminološko korištenje muškog ili ženskog roda podrazumijeva uključivanje oba roda.

Član 2.

Kandidat je za upis obavezan podnijeti prijavu i priložiti dokumente predviđene Konkursom.

Utvrđivanje jedinstvene rang-liste svih prijavljenih kandidata vršit će se na osnovu:

- prosječne ocjene koju su kandidati ostvarili u toku prvog ciklusa studija odnosno nakon završetka studija po predbolonjskim nastavnim planovima i programima, s tim da visina prosječne ocjene ne može biti eliminatorna za prijavu na konkurs,
- vrednovanja rezultata prijemnog ispita ukoliko je isti predviđen,
- predmeta relevantnih za određeni studijski program,
- na osnovu dobijenih Univerzitetskih priznanja/nagrada,
- za upis na pojedine studijske programe mogu se utvrditi dodatni uslovi/kriteriji u skladu sa Zakonom o visokom obrazovanju („Službene novine Kantona Sarajevo“, broj 33/17).

Upis kandidata vršit će se u skladu sa odobrenim planom upisa i utvrđenom rang-listom.

Član 3.

Na fakultetima/akademijama/centrima/institutima na kojima je predviđeno eventualno polaganje prijemnog ispita komisija je dužna da osigura tajnost ispitnog materijala i druge relevantne dokumentacije.

Vrednovanje rezultata na osnovu uspjeha postignutog na prijemnom ispitu, kao i spisak predmeta značajnih za odgovarajući studijski program iz kojih se polaže prijemni ispit i način bodovanja po ovom osnovu, kao i posebne kriterije za upis, fakulteti/akademije/centri/instituti će istaći na svojim oglasnim pločama/web stranicama, a isti će biti dostupni putem sistema eUNSA.

Član 4.

Kandidati koji, u skladu sa Konkursom, budu primljeni na odgovarajući studijski program, za upis u prvu godinu studija, pored već predatih dokumenata, podnose:

- popunjen zahtjev za upis u kome je tačno naznačen studijski program na koji konkuriše, koji se printa iz Informacionog sistema eUNSA,
- upisni, semestralni list i ŠV-obrazac,
- upisnicu – indeks i
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Član 5.

Kada se na jedinstvenoj listi kandidata u predviđenoj kvoti upisa nalazi više kandidata koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidata.

Kada se na jedinstvenoj listi kandidata, koji su po osnovu kriterija za upis studenata utvrđenih Odlukom Vlade Kantona Sarajevo broj: 02-05-19288-9/09 od 11. juna 2009. godine, u predviđenoj kvoti upisa nađe određeni broj kandidata iz država nastalih nakon

raspada SFRJ, lista primljenih kandidata se proširuje za taj broj kandidatima državljanima BiH najviše do 4% kandidata u statusu za koji konkuriraju (redovnih, redovnih samofinansirajućih, DL i vanrednih studenata).

Kada izračunati procenat broja studenata u odnosu na maksimalno utvrđenu kvotu kandidata iz država nastalih nakon raspada SFRJ nije cijeli broj, u tom slučaju vrši se zaokruživanje procentualne vrijednosti u korist kandidata na sljedeći cijeli broj.

Ukoliko se na listi kandidata u kvoti do 4% nalazi više kandidata iz država nastalih nakon raspada SFRJ koji ostvare isti broj bodova, primaju se svi kandidati u statusu za koji konkuriraju, a lista se proširuje za taj broj kandidatima državljanima BiH.

Kada se na jedinstvenoj listi kandidata u predviđenoj kvoti upisa nađe određeni broj kandidata iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja, koje je fakultet/akademija/centar/institut obavezna osloboditi plaćanja troškova školarine, fakultet/akademija/centar/institut ima pravo za broj kandidata koje oslobodi plaćanja školarine proširiti broj studenata koje upisuje u prvu godinu studija kandidatima koji ispunjavaju formalni uvjet za upis i to u statusu studenta koji plaća svoj studij.

Pod jednakim uvjetima iz ovih kriterija prednost imaju:

- djeca boraca-branitelja BiH,
- djeca ratnih vojnih invalida, djeca šehida i poginulih i nestalih boraca-branitelja i umrlih ratnih vojnih invalida,
- djeca organizatora otpora,
- djeca veterana-prvoboraca i
- djeca nosilaca najviših ratnih priznanja.

(čl. 1, 2, 5. i 24. Zakona o dopunskim pravima boraca-branitelja BiH ("Službene novine Kantona Sarajevo", broj: 45/12 - Prečišćeni tekst 26/14, 46/17, 18/19)).

Član 6.

Invalidi sa utvrđenim sto procentnim invaliditetom imaju pravo upisati se jedanput na određeni studijski program na Univerzitetu kao studenti budžetski finansiranih mjesta pod uvjetima:

- a) da su položili prijemni ispit ukoliko je isti predviđen,
- b) da su sposobni obavljati praktične zadatke u nastavi,
- c) da su stekli pravo upisa na odgovarajući ciklus studija fakulteta/akademije,
- d) da su dostavili dokaz nadležne institucije o statusu invalida i procentu invaliditeta.

Član 7.

Detaljnije informacije o mjestu i vremenu predaje dokumenata za upis, kao i druge relevantne informacije bit će objavljene na web stranicama/oglasnim pločama fakulteta/akademija.

Član 8.

Postupak provođenja ove odluke vrši Komisija za prijem i upis studenata.

**PLAN UPISA STUDENATA U PRVU GODINU SPECIJALISTIČKOG STUDIJA NA
UNIVERZITET U SARAJEVU U STUDIJSKOJ 2020. /2021. GODINI**

	NAZIV USTANOVE ODSJEK / STUDIJ	Predviđeno trajanje stručnog studija, godine (E)CTS ^{a)}	BROJ STUDENATA					Ukupn o
			Redovni studij- troškov e studija snosi osnivač	Redovni Studij ^{b)} - troškov e studija snose sami studenti	Vanre dni studij ^{c)}	DL stud ij ^{d)}	Strani državl jani	
1.	CENTAR ZA INERDISCIPLINARNE STUDIJE	1 60 (E)CTS	-	20	-	-	-	20
	Nutricionizam		-	20	-	-	-	20
3.	VETERINARSKI FAKULTET	1 60 (E)CTS	-	74	-	-	-	74
	Veterinarska medicina i javno zdravstvo		-	74	-	-	-	74
	Klinička medicina malih životinja			10				
	Klinička mikrobiologija			4				
	Morfofiziologija i bolesti egzotičnih kućnih ljubimaca			10				
	Organska animalna proizvodnja			5				
	Parazitologija i parazitske bolesti			5				
	Sigurnost hrane			15				
	Temeljne veterinarske discipline			5				
	Teriogenologija domaćih životinja			5				

	NAZIV USTANOVE ODSJEK / STUDIJ	Predviđeno trajanje stručnog studija, godine (ECTS ^{a)}	BROJ STUDENATA					Ukup o
			Redovni studij- troškov e studija snosi osnivač	Redovni Studij ^{b)} - troškov e studija snose sami studenti	Vanre dni studij ^{c)}	DL stud ij ^{d)}	Strani državl jani	
	Veterinarska epidemiologija ekonomika			5				
	Veterinarska patomorfološka dijagnostika			5				
	Zarazne karnivora bolesti			5				
UKUPNO UNIVERZITET U SARAJEVU			-	94	-	-	-	94